



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13, 89/16, 5/22 i 31/24) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08 i 5/22), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2022. GODINU NOVE POLITIČKE INICIJATIVE

Broj: 03-07-6-474/23
Sarajevo, 17.02.2025. godine

S A D R Ź A J

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole.....	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE.....	5
5. NALAZI I PREPORUKE.....	5
5.1 NALAZI.....	5
5.2 PREPORUKE	7

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Nove političke inicijative za 2022. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Općih izbora, održanih 2022. godine.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka i odredbama poglavlja 15 Izbornog zakona Bosne i Hercegovine, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2022. godinu, utvrđeno je da je Nova politička inicijativa prekršila odredbe člana 4. stav (1), člana 11. stav (1) i člana 12. stav (1) i stav (4) i stav (5) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka, niti na finansiranje troškova izborne kampanje suprotno odredbama člana 15.10 Izbornog zakona Bosne i Hercegovine.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Nove političke inicijative za 2022. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Općih izbora, održanih 2022. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Nova politička inicijativa se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	0,00	0,00
8.	Prihodi od propagande (3-g)	0,00	0,00
I	Ukupni prihodi (1-8)	0,00	0,00
II	Ostali prihodi i drugo	13.000,00	100,00
	Izvori finansiranja (I+II)	13.000,00	100,00

U godišnjem finansijskom izvještaju stranka je iskazala rashode u ukupnom iznosu od 13.741,75 KM.

2. PREDSTAVLJANJE POLITIČKE STRANKE

Naziv političke stranke je: Nova politička inicijativa. Skraćeni naziv stranke je NPI.

Nova politička inicijativa registrovana je kod Općinskog suda u Goraždu, rješenjem broj: 045-0-F1-22-000 001 od 03.03.2022. godine.

Sjedište političke stranke je u Goraždu, ulica Zaima Imamovića bb.

Lice ovlašteno za zastupanje stranke i podnošenje finansijskih izvještaja za 2022. godinu je Haris Salković, predsjednik stranke.

Prema podacima iz godišnjeg finansijskog izvještaja za 2022. godinu, organizacionu strukturu Nove političke inicijative čini:

- Kantonalni odbor Nova politička inicijativa.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Nove političke inicijative za 2022. godinu i finansijski izvještaj za period od dana podnošenja prijave za ovjeru za izbore do dana ovjere rezultata Općih izbora, održanih 2022. godine.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona Bosne i Hercegovine. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka, te da li je troškove izborne kampanje ostvarila u okviru zakonom utvrđenog limita.

Obim pregleda i kontrole finansijskih izvještaja Nove političke inicijative obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Pregled i kontrola finansijskih izvještaja obavlja se prvi put.

5. NALAZI I PREPORUKE

5.1 NALAZI

a) Nova politička inicijativa prekršila je odredbe člana 4. stav (1) Zakona o finansiranju političkih stranaka¹.

U godišnjem finansijskom izvještaju za 2022. godinu Nova politička inicijativa iskazala je ukupne rashode u iznosu od 13.741,75 KM.

Nova politička inicijativa nije dostavila Centralnoj izbornoj komisiji Bosne i Hercegovine program utroška za 2022. godinu, pa smatramo da je finansijska sredstva u iznosu od 13.741,75 KM utrošila bez programa utroška sredstava za 2022. godinu, čime je prekršila odredbe člana 4. stav (1) Zakona o finansiranju političkih stranaka.

b) Politička stranka je prekršila odredbe člana 11. stav (1) i člana 12. stav (1), stav (4) i stav (5) Zakona o finansiranju političkih stranaka.

Pregledom godišnjeg finansijskog izvještaja i dodatne finansijske dokumentacije, utvrđeno je da Nova politička inicijativa nije vodila poslovne knjige u skladu sa računovodstvenim propisima, odnosno nije uspostavila pravilne i potpune evidencije o svojim prihodima, rashodima, obavezama i transakcijskim računima, nije dostavila dodatnu dokumentaciju, te obrasce godišnjeg finansijskog izvještaja nije popunila u skladu sa odredbama Pravilnika o godišnjim finansijskim izvještajima političkih stranaka (u daljem tekstu: Pravilnik), čime je prekršila odredbe člana 11. stav (1) i člana 12. stav (1), stav (4) i stav (5) Zakona o finansiranju političkih stranaka.

(1) Uvidom u Izvještaj o računima poslovnog subjekta koji se vodi kod Centralne banke Bosne i Hercegovine od 23.06.2023. godine, utvrđeno je da stranka u svojim poslovnim knjigama i na obrascu 2 (pregled prometa svih transakcijskih računa stranke) finansijskog izvještaja nije iskazala transakcijski račun broj: 1346201008056310 otvoren kod Asa banke d.d. Sarajevo.

¹ U skladu sa odredbom člana 4. stav (1) Zakona o finansiranju političkih stranaka, stranka finansijska sredstva iz člana 3. stav (1) ovog zakona može koristiti isključivo za ostvarivanje ciljeva utvrđenih svojim programom i statutom.

Putem ovog transakcijskog računa koji je prema podacima iz Izvještaja Centralne banke Bosne i Hercegovine bio aktivan od 17.05.2022. godine, politička stranka je ostvarila sljedeći promet: početno stanje na dan 01.01.2022. godine u iznosu od 0,00 KM, ukupan promet ulaza u iznosu od 27.000,00 KM, ukupan promet izlaza u iznosu od 20.741,75 KM i stanje na dan 31.12.2022. godine u iznosu od 6.258,25 KM.

- Politička stranka u obrascu 2 godišnjeg finansijskog izvještaja nije iskazala tačne podatke o prometu ostvarenom putem transakcijskog računa broj: 1346201007980553 kod Asa banke d.d. Sarajevo.

U obrascu 2 godišnjeg finansijskog izvještaja, politička stranka je iskazala sljedeće podatke: početno stanje na dan 01.01.2022. godine u iznosu od 0,00 KM, ukupan promet ulaza u iznosu od 27.000,00 KM, ukupan promet izlaza u iznosu od 20.741,75 KM i stanje na dan 31.12.2022. godine u iznosu od 6.258,25 KM.

Kontrolom izvoda sa transakcijskog računa koje je stranka dostavila za period od 01.01.2022. do 31.12.2022. godine, utvrđeno je sljedeće: početno stanje na dan 01.01.2022. godine u iznosu od 0,00 KM, ukupan promet ulaza u iznosu od 710,76 KM, ukupan promet izlaza u iznosu od 12,00 KM i saldo na dan 31.12.2022. godine u iznosu od 698,76 KM.

Dakle, politička stranka je u godišnjem finansijskom izvještaju iskazala samo transakcijski račun broj: 1346201007980553 kod Asa banke d.d. Sarajevo sa prometom koji odgovara prometu transakcijskog računa broj: 1346201008056310 otvorenog kod Asa banke d.d. Sarajevo.

S obzirom da Nova politička inicijativa nije u godišnjem finansijskom izvještaju iskazala tačne podatke o transakcijskim računima i ostvarenom prometu, prekršila je odredbe člana 11. Pravilnika.

- (2) Nova politička inicijativa je u godišnjem finansijskom izvještaju povrat uplaćenog novčanog iznosa takse za ovjeru iskazala kao ostale prihode, čime je prekršila odredbe člana 13. Pravilnika.

U godišnjem finansijskom izvještaju stranka je iskazala ostale prihode u iznosu od 13.000,00 KM. Kontrolom izvoda sa transakcijskog računa broj: 1346201008056310 koji je otvoren kod Asa banke d.d. Sarajevo, utvrđeno je da je stranci izvršen povrat novčanog iznosa uplaćenog na ime takse za ovjeru prijave političkih subjekata za učešće na Općim izborima 2022. godine u iznosu od 13.000,00 KM. S obzirom da je izvršen povrat prvobitno uplaćenih sredstava u iznosu od 13.000,00 KM, politička stranka nije ostvarila prihod u navedenom iznosu.

- (3) Politička stranka nije u obrascu 3-f (prihodi iz budžeta) godišnjeg finansijskog izvještaja iskazala podatke o prihodima iz budžeta Bosansko-podrinjskog kantona, čime je prekršila odredbe člana 19. Pravilnika.

Uvidom u akt Vlade Bosansko-podrinjskog kantona broj: 03/I-11-216-3/23 od 14.03.2023. godine i kontrolom izvoda sa transakcijskog računa broj: 1346201007980553 kod Asa banke d.d. Sarajevo, utvrđeno je da je stranka ostvarila prihode iz budžeta Bosansko-podrinjskog kantona u iznosu od 710,76 KM.

- (4) Pregledom godišnjeg finansijskog izvještaja utvrđeno je da stranka nije vodila pravilne evidencije o svojim rashodima i obavezama, niti je iste pravilno iskazala u godišnjem finansijskom izvještaju, čime je prekršila odredbe člana 21., 22. i 24. Pravilnika.

- Stranka je u obrascu 4.1 (režijsko-administrativni i ostali troškovi) iskazala troškove takse u iznosu od 13.000,00 KM a koji se odnose na ovjeru prijave političkih subjekata za učešće na Općim izborima 2022. godine. Kako je navedeno pod tačkom (2) ovog izvještaja, stranci je izvršen povrat novčanog iznosa uplaćenog na ime takse za ovjeru u iznosu od 13.000,00 KM, pa stranka nije ostvarila trošak u tom iznosu.
- Nova politička inicijativa nije u finansijskom izvještaju iskazala tačne podatke o troškovima zakupnine poslovnog prostora.

Stranka je u obrascu 4.1 godišnjeg finansijskog izvještaja pogrešno iskazala troškove zakupnine poslovnog prostora u Goraždu. Uvidom u Ugovor o zakupu poslovnih prostorija sa V.A. od 01.03.2022. godine, utvrđeno je da je stranka imala obavezu da za korištenje poslovnog prostora u Goraždu mjesečno plaća 80,00 KM, tj. za period od 01.03.2022. do 31.12.2022. godine iznos od 800,00 KM. Stranka je u godišnjem finansijskom izvještaju iskazala troškove zakupnine poslovnog prostora u iznosu od 320,00 KM, što je za 480,00 KM manje od stvarnih.

S obzirom da politička stranka nije iskazala sve troškove zakupnine, nisu iskazane ni obaveze prema zakupodavcu u obrascu 5 godišnjeg finansijskog izvještaja u iznosu od 480,00 KM.

- (5) Dana 03.04.2024. godine, Centralna izborna komisija Bosne i Hercegovine je Novoj političkoj inicijativi uputila Zahtjev za dostavljanje dokumentacije za 2022. godinu, kojim je od stranke traženo da dostavi: dokumentaciju o korištenju poslovnog prostora u 2022. godini, kopiju Završnog računa za 2022. godinu, glavnu knjigu sa kompletnim analitičkim evidencijama stranke za period 01.01.-31.12.2022. godine, bruto bilans stranke na dan 31.12.2022. godine, kopiju dokumentacije za ostale prihode, kopiju ugovora o obavezama po osnovu pozajmica iskazanih u obrascu 5.1, program utroška sredstava za 2023. godinu i kopiju izvoda sa transakcijskih računa stranke broj: 1346201007980553 i broj: 1346201008056310 kod ASA banke d.d. Sarajevo za period 01.01.-31.12.2022. godine.

Uvidom u službene evidencije utvrđeno je da Nova politička inicijativa nije dostavila glavnu knjigu sa kompletnim analitičkim evidencijama stranke za period 01.01.-31.12.2022. godine i bruto bilans stranke na dan 31.12.2022. godine. Politička stranka je dostavila dokument koji ima karakter pregleda knjiženja zaključno sa izvodom broj 13, te se kao takav ne može smatrati glavnom knjigom. Glavna knjiga predstavlja skup svih konta koja su otvorena tokom poslovne godine i mora sadržavati unaprijed pripremljena konta koja, u skladu sa potrebama pravnog lica, osiguravaju podatke za godišnje finansijske izvještaje.

Nedostavljanjem navedene dodatne finansijske dokumentacije, stranka je prekršila odredbe člana 12. stav (5) Zakona o finansiranju političkih stranaka.

Troškovi izborne kampanje

Prema odredbama člana 15.10 Izbornog zakona BiH, politička stranka za potrebe izborne kampanje ne smije potrošiti više od 0,30 odnosno 0,20 KM² po biraču u svakom izbornom krugu, prema broju birača koje je objavila Centralna izborna komisija BiH. Prema podacima Centralne izborne komisije BiH, Nova politička inicijativa je u svrhu izborne kampanje za Opće izbore 2022. godine mogla da potroši sredstva u iznosu od 4.555,40 KM.

Nova politička inicijativa u godišnjem finansijskom izvještaju za 2022. godinu nije iskazala troškove propagande.

5.2 PREPORUKE

Preporučuje se Novoj političkoj inicijativi da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- ***da svake godine donosi program utroška sredstava i da finansijska sredstva troši u skladu sa programom utroška sredstava,***
- ***da poslovne knjige vodi u skladu sa računovodstvenim propisima, odnosno da vodi pravilne i potpune evidencije o transakcijskim računima, prihodima, rashodima i obavezama,***

² Član 15.10 stav 2. Izbornog zakona BiH propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

- *da finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka i*
- *da dostavlja dodatnu dokumentaciju.*

KOMENTAR:

U ostavljenom roku, Nova politička inicijativa nije dostavila primjedbe na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2022. godinu.

Šef Odsjeka za revizijske poslove

Sanja Tošović

Šef Službe za reviziju

Mr.sc Hasida Gušić

Šef Odsjeka za predrevizijske i administrativne poslove

Rijad Selmanović